

重刊道藏輯要

仙佛合宗語錄

伍太一十九問

八問曰乳哺何爲答曰鍊神以後之喻也神炁定而爲一神神炁定是在胎中養成之陽神也

神出矣所謂常定者正當在是也

以大定而至常常大定一定而永定喻之爲乳哺

不常定則失已定者矣卽神仙與菩薩有退墮之謂也

不定息則有呼吸如凡夫則亦可同凡夫之生死

夫乳之養孩養臟腑而令具足養形軀而令成人乳哺之功至

道藏輯要

仙佛合宗語錄

壹

畢集二

大矣乳哺之用至要矣蓋初定之神易搖

易搖者或定中起一調神出念雖不遇境但入之遲而出之久則搖或出遇一境而少着之則搖所以云初出定時必倏出而倏入正要防危慮險也

必定而入定而後了其大成

初定者滅盡出入息而證一日之滅盡定入定者一七二七七七若年若劫悉俱定中而滅盡定入也方是寂滅爲樂之實地此正到天仙佛世尊之圓滿覺道也

以鍊神還虛之義明之乳者卽鍊之義也鍊而又鍊至合於自然眞虛卽取喻乳而又乳成其全體者也

初出陽神定力小則神通小依定久而爲乳哺則定力大而得神通亦大如人初生只一小孩乳養長大成人氣力大才能亦大

倘不常定

只得初定小力則不能千變萬化

則上上乘而非上上

從初定成時而乳至常定還虛便是上上乘如造寶塔合頂尖完矣若不常定雖已在在上上之路亦不能到上上矣

頓而非頓

頓者卽是不二法絕無生滅往來出入不似漸之鍊了精又

道藏輯要

仙佛合宗語錄

二

畢集二

煉炁化了炁又化神一定直至常定之極處方謂之頓若不入爲常之大定至圓覺了義則非頓也

神而不神

初成神仙得大定必乳哺而常定則神之通十方而普現分神萬變所謂百千萬億化身也可此神之所以神也不神者不能大顯神通也由初得定而出神定力微而不可離定若離定則與凡夫不入定者等耳離定畧久則曰有危險之當防慮以其離定之故使內失神通而外亦不能有神通必常大定則內常通而外亦通我故曰不常定則不神通

或退滯於小果者有之

大定而出陽神後能常常大定卽佛之加持向上事也則佛之覺道可圓滿仙之神可還虛而了卻最上上矣若不常定則退於出入生滅所以佛言大涅槃經云一切法真如中爲有三乘差別相否謂有退住聲聞乘者或有退除獨覺乘者或有證得死上乘者是也仙家所言三界有眾生者亦言不常定則生死或有至於不能絕盡故也所以寒山拾得達摩傳大士皆由菩薩而退滯轉劫復生爲此身惟持守前念具在則此俱不墮猶是菩薩尙能修證向佛若有前念迷者則墮凡夫逐情愛而輪迴無出期矣後之僞學者妄談仙道佛法自誇頓了不信如此乃無前修福力之下愚我勸諸人宜

道藏輯要

仙佛合宗語錄

三

畢集二
又川

慎之

則難免於移居奪舍

移居也奪舍也及投胎也舊住也仙家謂之四果張真人悟真篇遵大藏已明標其目于世間而諸家註未詳其由蓋以舊住者言住舊房舍卽長仙不死人仙之身能住舊是亦或能常入定而或亦有不入定此四者中之最上正果卽不死而不生之阿羅漢果可趨佛地爲可超小果而向上者以其守住小果不再退而下曰舊住故于退小果之類不言惟投胎奪舍移居三者是小果時之所墮亦向上大修行宜防慮之危險移居者言此身無可居彼身有可居乃移神于彼身

中而居也蓋有不常定乃妄出而迷猶似十月內有餘之涅槃或偶遇刀兵劫災壞身而不可居神或偶遇火劫災焚毀壞身水劫災漂溺壞身而不可居神則移神入他人新死之身未壞者而居此小果之所不能逃三災者之所當知故退下小果者遇災劫不能保身亦如之不能免也此由世之參方者傳言如此不必深信予謂若人之此身老壞或曾經大危廢疾而不可還丹者未免不再生後有少壯之身亦謂之移居棄舊居而移新居也亦兼有投胎奪舍之類在其中又昔張紫陽真人謂其入室外護之徒劉永年曰吾去赴瑤池宴七日不來焚吾蛻未及六日劉以母死焚張蛻而去張回

道藏輯要

仙佛合宗語錄

四

畢集二

則見蛻焚已無可居而移之此亦初出定不常定而危險當防慮之一案也此亦雖出于作仙傳者之言有無不能辨亦可備存一端之理也奪舍者父母已成胎性命隱然可備存則可爲神居之舍勿令他人得而居而我爭先奪而居之可得富貴之洪福或得修行之清福不墮惡道亦小果有生死者之必至而得定者之當防退以至者卽佛教中三陰認景投胎中陰之一機也投胎者有三曰初陰中陰後陰也有死之時與胎產之時相遇則相投入此不住胎中者有死之時在先胎未滿足產期在後則安身于胎息而俟投入者有入胎而俟產者或死于父母媾之先因見媾而起淫念投入爲

胎隨十月滿而產凡人欲認景而般者亦當知此然此事在凡夫則死而投轉劫生後身在果位則起淫媾之妄念卽乘淫事而投入如化書梓潼帝君前劫飛空見漢高祖與戚后之媾遂犯淫事投入胎中爲如意太子是也又如世尊在兜率陁天宮天壽盡下降自擇父母投入摩耶夫人胎中爲須達多太子是也此二案也在奮志精修必欲卽成仙佛者皆當防此爲危險也若不幸而轉一胎則遲一劫矣不肯墮下者敢不認洪福清福保護來世決定修仙佛耶然初大定而出神未可遽離形若不定而久離之必有移奪投三者之危若常定後乃可離形是神已合天德之虛矣凡初定能出而

道藏輯要

仙佛合宗語錄

五

畢集二
X X L

能常定卽永在十月外而向上還虛極矣不常定而少有未定只退似十月內則果小矣我故曰出定之初卽爲入定之始言當常常在大定也

或墮陷於異趣者有之

異趣者是六道中之三惡道爲言畜生道餓鬼道地獄道也以及魔道亦與天道人道之正趣不同者墮陷者念邪之所至也如六根迷其六識入於六塵然塵識卽異趣之境也旣迷入其境雖曰不爲不可得也况貪著者乎故我邱長春真人授法已來皆有斬退無常一法凡精修百日十月之間尙見無常鬼使一到卽用法斬退不隨以去則正異兩趣俱無

故令大修行者當死而不死亦謂之我命在我也
固不宜逐境而定遲

心逐六塵外境而未卽回定則氣亦隨之馳外而不定俱住
六塵異趣矣故張虛靜天師云神一出便收來神返身中炁
自同此正示人速常定之理

所謂無色界尙有生死者此也

此言失定者之墮生死爲其不復速定之似凡夫也非言正
定還虛有生死蓋定而言愈入之妙愈遠生死矣古人云到
此正要腳踏實地叮嚀得定者最要常在定

乳至還虛同虛空體矣出三界之外死生不能縛天地不能拘

道藏輯要

仙佛合宗語錄

六

畢集二
川八

又皆乳哺之力也乳哺又豈可忽乎哉自此以後卽釋迦所謂
虛空界盡我此修行終無有盡

無盡之定正是超劫運之修行若劫運至只在定中故不隨
劫壞

言定之無已也

定有已則限於虛空之不盡卽是不超劫運
學者知之

九問曰李虛菴真人曹還陽真人相傳以來言句以何爲秘要
願再言之答曰皆以採先天陽精而鍊金丹爲秘要也

上天明科之所重禁不許輕妄漏洩天機歷代仙真莫不皆